

## Chhiu-hôa kap Tì-kiōng Kiat-hun-sek ê Chiok-sû

*Tiu<sup>n</sup> Hók-chû*

Sin-niû Sin-lông kap kok-üi kùi-pin,  
Tâi-ke Chhut-thâu-thi<sup>n</sup>!

Tâi-ke Kiong-hí!

Góa sī Chhiu-hôa ê Tâi-gí lāu-su.

Chin hoa<sup>n</sup>-hí lâi chham-ka Chhiu-hôa  
kap Tì-kiōng khan-chhiú chò ang-bó ê  
kiat-hun-sek.

Góa kóng khan-chhiú sī in-üi chit-tùi  
ang-bó tûi chit-tiáp khí beh chhiú khan chhiú,  
sim liân sim tàu-tîn lâi kiâ<sup>n</sup> jîn-seng ê lô.  
Tông-sî khan-chhiú chit-ê sû mā tâi-piáu  
Tâi-ôan ê châi-tê bûn-hòa.

Lán lóng chai-iá<sup>n</sup>, Tâi-ôan siā-hôe  
pún-chiâ<sup>n</sup> kan-ta tòa Gôan-chû-bîn(GCB) niâ.  
GCB ê siā-hôe sī bô-hê ê siā-hôe, chiū-sī kóng  
cha-bó..ê chò chû-thé. Châi-sán mā sī  
cha-bó..ê. Sór-í lán Tâi-ôan-õe ū kóng, chit-ê  
bó, khah iâ<sup>n</sup> kòe sa<sup>n</sup>-ê thi<sup>n</sup>-kong-chór;  
bó-tôa-chí, chê kim-kau-í; thia<sup>n</sup> bó chhùi, tôa  
hù-kùi! Che ê-tàng khòa<sup>n</sup> tiôh Tâi-ôan lâng tûi  
lú-sèng ê tûi-tiōng. Khan-chhiú gôan-lâi ê i-sù  
sī, GCB cha-bó gín-á chhôe tiôh kah-ì ê cha-po  
lâng, kā i khan-chhiú tñg-khì hō pê-bó khòa<sup>n</sup>.  
Iàu-kiû pê-bó ín-chún chhôa i chò khan-chhiú.  
Án-ne lán chiū chai-iá<sup>n</sup>, sī lú-sèng chhôa  
lâm-sèng chò khan-chhiú. Tong-jiân, chit-má  
lú-lâm pêng-téng, kóng-chò sī kiat-hun. Che  
piáu-sī lán ū chìn-pôr.

Chhiu-hôa tòe góa óh Tâi-gí kap bô-gí  
kàu-hák ū 1-nî kú. Góa ū chù-ì tiôh i chin  
jîn-chin hák-síp. Tî óh siá Tâi-gí bûn-chiu<sup>n</sup> ê  
tions-kan, i mā chhim-chhim kám-kak tiôh

Tâi-ôan-lâng chin ték-piát ê kám-chêng. I  
hoat-hiän Tâi-ôan lâng lóng teh thè pát-lâng  
siat-sióng. Lóng kā ka-kî ê khòai-lók kap  
hêng-hok khòng tî pi<sup>n</sup>..a. Góa tûi i chiah-nih kín  
chiū ê-tit-thang chiah-nih chhim-khek jîn-sek  
Tâi-ôan lâng ê sèng-keh, chin khim-phòe. Góa  
mā kā kiàn-gî ka-kî ê khòai-lók kap hêng-hok  
mā ài tâng-chê khó-lî. Án-ne chiah ū thò-tòng.  
Sui-jiân beh kiat-hun chin bô êng, Chhiu-hôa  
mā poah sî-kan koh teh chham-ú Ko-hiông  
Lô-má-jî Gián-síp-hôe bâng-iâh siat-kè ê  
kang-thêng. Hō góa hui-siông kám-sim.  
Siong-sìn Chhiu-hôa ãu-pái tî hák-hâu ê bô-gí  
kàu-hák ê chò kàu chin kiát-chhut, chin  
sêng-kong.

Tî chia góa beh chiok-hok chit-tùi  
sin-lâng, kám-chêng éng-óan ti<sup>n</sup> but-but,  
ka-têng hêng-hok, sû-giáp sêng-kong, chá-jít  
tit kùi-chú. Lán lóng chin chai, hun-in ê lô-tô  
lò-lò-tñg, hun-in ê seng-óah mā m-sî tak-kang  
lóng sio-kâng hiah-nih ti<sup>n</sup>-bit; tiâ<sup>n</sup>-tiôh sî ê  
û-sî hó-thi<sup>n</sup>, û-sî o-im; û-sî thàu-hong, û-sî  
löh-hô; û-sî mā ê hong-thai tôa-chúi, hôan-sè  
û-sî mā ê tê-tâng, hôan-sè soa<sup>n</sup>-pang tê-lih!  
Chóng-sî ang-á-bó tiôh ài hô-siông thé-liông,  
hô-siông thiâ<sup>n</sup>-sioh; hô-siông chun-tiông,  
hô-siông him-siông. Che thang kóng sî ang-bó  
chò-hóe siông kài iàu-kín ê 16 jî chin-giân!  
Siong-sìn chit-tùi sin-lâng ê hun-in seng-óah  
it-téng ê chin ôan-bóan, chin hêng-hok.

To-siā.

Ló-lát.

